

ხარების თემა ქართულ ჰიმნოგრაფიაში

ქრისტიანულ ხელოვნებაში ხარების დღესასწაულის ასახვა ამაღლებულობითა და ნათელმოსილებით გამოირჩევა. ქრისტიანულ გაძარში მნიშვნელოვანი ადგილი უჭირავს ხარების კომპოზიციის ფრესკულ გამოსახულებას, ხატებზეც შთამბეჭდავად და განსაკუთრებული სხივმოსილებითაა იგი წარმოდგენილი. ჰიმნოგრაფიაში, რომელიც ღრმა კავშირშია ფერწერასთან თემატიკური თვალსაზრისით, საკმაოდ დიდი ადგილი ეთმობა ერთ-ერთ უდიდეს საუფლო დღესასწაულს – ხარებას. მისი საფუძველია ახალი აღთქმა; კერძოდ, წმ. ლუკას სახარება მოგვითხრობს იმის შესახებ, თუ რა გამორჩეული ხვედრი ხვდა წილად დედათა შორის ქალწულსა და ქალწულთა შორის დედას: „და შევიდა ანგელოზი იგი მისა და ჰრქუა: გიხაროდენ, მომადლებულო! უფალო შენ თანა, კურთხეულ ხარ შენ დედათა შორის“... (ლ. 1, 28-38).

ხარების თემას ეძღვნება ბორენა დედოფლის, დემეტრე მეფისა და არსენ ბულმაისიმიძის ღრმა ლირიზმით აღსავესე თითოსგროფიანი იამბიკოები.

ბორენა დედოფლის იამბიკო ლენჯერის ეკლესიის კუთვნილი ყოვლადწმინდა ღვთისმშობლის ხატის მურგზეა წარწერილი. ხატი ამჟამად მესტიის მხარეთმცოდნეობის მუზეუმში ინახება. ბორენას ავტორობას იამბიკოს მეხუთე ტაეპი გვამცნობს: „ქალწულო, მიქსენ ბორენა ჭირმრავალი“.

მიუხედავად იმისა, რომ ბორენა დედოფლის იამბიკო მხოლოდ ღვთისმშობლის ხატის მურგზე შესრულებული წარწერითაა ცნობილი, მეცნიერთა მიერ იგი სხვადასხვაგვარად იქნა წაკითხული და ამრიგად გაჩნდა ორი ვარიანტი: 1. კ. კეკელიძისეული, რომელ-

იყ იამბიკოს მეორე-მესამე ტაქებს ასე კითხულობდა: „ჰრქვი რა გაბრიელს: „ვარ უფლისა მკევალი, /მე, შენი სამსტუვრე, ქვეყნად მავალი“, ამ ვარიანტის მიხედვით, მესამე ტაქის სიტყვებიც ღვთისმშობლის წარმოთქმული უნდა ყოფილიყო. მან „სამსტუვრე“ განმარტა გოდლად, სადარაჯოდ (ქლი, I, 1960, გვ. 593). 2. პ. ინგოროყვამ ტექსტის განსხვავებული წაკითხვა შემოგვთავაზა, რომელიც შემდგომში, ს. ცაიშვილის თხოვნით, სპეციალურად შეამოწმა ისტორიკოსმა-პალეოლოგმა ვ. სილოგავამ და დაადასტურა პ. ინგოროყვას წაკითხვის მართებულობა (ქართ. პოეზია, I, 1979, გვ. 319). ვ. სილოგავა საგანგებოდ შეეხო ბორენას „წარწერა-ლექსის“ პრობლემას და იამბიკოს მართებული წაკითხვა წარმოადგინა („ლიტ. საქართველო“, 1999, N 3).

„რომელმან ეგე ევას მიუბღე ვალი,
ჰრქვი რაჲ გაბრიელს: „ვარ უფლისა მკევალი“,
მაშინ ისტუმრე ქვეყნად მოუვალი,
დაემხო ძალი, პირველივე სისხლდამთრვალი.
ქალწულო, მიქსენ ბორენა ჭირმრავალი“.

ვფიქრობთ, მეორე ვარიანტის მართებულობას ლუკას სახარების შემდეგი მუხლი ადასტურებს: „ჰრქუა მას მარიამ: აჰა მკევალი უფლისაჲ: მეყავნ მე სიტყუსაებრ შენისა!“ (ლ. 1,38). ბორენას იამბიკოს წყარო ევანგელური სწავლებაა. ყოვლაწმინდა ღვთისმშობელი საოცარი სისადავით გამოხატავს შეკავებულ სიხარულს ღვთისაგან გამორჩეულობის გამო და მორჩილებას ღვთის წინაშე. იამბიკოში გამოხატული აზრი და მოტივი სახარებისეულია: არც მეტყველებით სცილდება იგი სახარებას, საიდანაც არ ჩანს, რომ ღვთისმშობელი სამსტუვრე იყოს, იგი, ევანგელური თხრობის კვალობაზე, ღვთის ნების აღმსრულებელია.

იამბიკოში საკრალური დრო და სივრცეა ასახული. ყოვლაწმინდა ღვთისმშობელს გაბრიელ მთავარანგელოზმა ღვთის ნება ახარა, რომ მარიამმა (ე.ი. ბეპურმა ღედამ) უნდა შვას ძე და სახელად უწოდოს იესუ: „ესე იყოს დიდ და ძე მალლის ეწოდოს, და მისცეს მას უფალმან ღმერთმან საყდარი დავითის, მამისა თუსისაჲ, და მეუფებდეს სახლსა ზედა იაკობისსა საუკუნოდ, და სუფევისა მისისაჲ არა იყოს დასასრულ“ (ლ. 1,32-33). ეს ხდება ნაზარეთში, რომლის

მიხედვითაც ეწოდა იესოს ნაზარეველი. ნაზარეთი ის წმინდა ადგილია, სადაც განხორციელდა ღვთის ნება.

იამბიკო მაღალი პოეტური ფორმითა და დახვეწილი რითმით შესრულებული მხატვრული ნაწარმოებია, რომელშიც ავტორი უმუალობითა და გულწრფელობით ცდილობს ქალწულ ღვთისმშობელთან სულიერი კონტაქტის დამყარებას. იგი ღვთისმშობელს მიმართავს მიმართებითი ნაცვალსახელით, „რომელმან“ – „რომელმან ეგე ევას მიუბღე ვალი“ – რაც სასულიერო პოეზიაში დიდი ხნის დამკვიდრებული ფორმაა, „რომელმან“ მრავალმნიშვნელობიანი განსაზღვრებაა, რადგან იგი გამოიყენება ღმერთის, მისი ჰიპოსტაზების, ღვთისმშობლის, წმინდანების გამოსახატავად. გაეპი ღრმააზროვანია და მისი შინაარსი გულისხმობს ევას ცთომისათვის ქალწული ღვთისმშობლის მიერ უბუნაესი, ღვთაებრივი სიწმინდის დაპირისპირებას. ევამ ცოდვის ჩადენას დაულო დასაბამი, ცოდვა დაჰბადა, ხოლო ღვთისმშობელმა გამოისყიდა პირველცოდვის ჩამდენის „ვალი“, ვინაიდან მან კაცობრიობის ცოდვათა „აღმხუმელი“, მტერთველი დაჰბადა. ევას პირველცოდვა ყოველადწმიდა ღვთისმშობელმა წარხოცა, განწმინდა. ბორენას იამბიკოს გასდევს „ვალის“, ანუ ცოდვათა გამოსყიდვის მოტივი. ამ სიტყვით ბოლოვდება ყოველი გაეპი, იგი ორმარცვლიან რითმას ქმნის და მთელ იამბიკოს კრავს. ქრისტიანულ მწერლობაში, განსაკუთრებით ჰიმნოგრაფიაში, ეს მოტივი ძალზე გავრცელებულია. მხოლოდ ერთ პარალელს დავით აღმაშენებლის „გალობანი სინანულისანის“ ერთ-ერთ გროპარს დავიმოწმებთ: „ქალწულო, ბრალეულთა თავსმდებო“.

ბორენას იამბიკოში ღვთისმშობელი და ევა ურთიერთსაპირისპიროდ წარმოისახებიან; ავტორი ჰიმნოგრაფიაში დამკვიდრებულ გრადიციულ მხატვრულ ხერხს – სახეთა პარალელიზმს იყენებს და ბინარული ოპოზიციით წარმოაჩენს ღვთისმშობლისა და ევას სახეებს.

იამბიკოში ღრმა ლირიზმითა და უსამღვრო თავმდაბლობის გამოხატვით ავტორი სულიერ კავშირს ამყარებს ღვთისმშობელთან, იგი ესაუბრება მას და ერთგვარ დიალოგს თავადაც მიმართავს ქალწულ ღვთისმშობელთან მისაახლებლად, როდესაც საოცრად კონდენსირებულ, შეკუმშულ ფრაზაში: „პრქე რაჲ გაბრიელს: „ვარ უფლისა

მკეველი“ – მოაქცევს მთელ პასაჟს სახარებისას, უმნიშვნელოვანესს ქრისტიანული რელიგიისათვის, რომლითაც დაედო საფუძველი ხარების დღესასწაულს. ბორენას ღვთისმშობლის სახის დიალოგში წარმოჩენით ქალწულ დედასთან საურთიერთოდ ფარული სინაზითა და ინტიმურობით აღსავსე განწყობილება შეაქვს.

ავტორი აგრძელებს საუბარს ღვთისმშობელთან, რაც საოცრად მდიდარი მხატვრული სახეებით, ხატოვანი ამროვნებითაა გამქლავებული. ამრობრივი მრავალფეროვნება გამოსჭვივის იამბიკოს სტრიქონში: „მაშინ ისტუმრე ქვეყნად მოუვალი“, რომელშიც ქვეყნად დაუტევენელი მაცხოვრის ღვთისმშობელში დაეანების, სტუმრობის მისტიკური სურათია წარმოსახული. სიწმინდის, თავმდაბლობის შედეგიც ნათელმოსილია, რადგან „დაემხო ძალი, პირველვე სისხლ დამთრვალი“. ლ. გრიგოლაშვილმა მიუთითა, რომ ტაეკში ამ ბოროტი ძალის დამხობაა ნაგულსხმევი, რომელიც პირველი ადამიანის აბელის სისხლით დაითრო. ბოროტების დამარცხების მოგივს მოსდევს ბორენა დედოფლის ვედრება ქალწული ღვთისმშობლისადმი, რომ „ჭირმრავალი“ ადამიანი იხსნას და ღირსყოს თავისი მფარველობისა, მეოხებისა.

ბორენას იამბიკო იშვიათი ფერადოვნებით გადმოგვცემს ხარების მისტიკური სურათით აღძრულ სინაზითა და ღირიმბით აღსავსე განწყობილებას, რომლის მიღმა თვით ავტორის – ბორენას პირადი ცხოვრებისეული მომენტები იმალება.

ხარების თემას ეძღვნება დემეტრე მეფის ერთ-ერთი იამბიკო, რომელიც XVIII საუკუნეში ანტონ კათალიკოსს თავის შედგენილ სადღესასწაულოში შეუტანია ღმრთისმშობლისანად, ანუ „აწდას“ გროპარად (A-386, 173r). ეს ფაქტი იმას მიუთითებს, რომ იგი საღვთისმსახურო პრაქტიკაში გამოიყენებოდა.

ღმრთისმშობელი და ყოვლად პატიოსანი,
დედა ქალწული, შუენიერი შრომანი,
მას ახარებდა ანგელოზი ფრთოსანი:
„შენგან იშუების მეფე გვრგუნოსანი
და მას კმონებდეს მეფე მრავალყმოსანი“.

იამბიკოში, ფრესკათა და ხატების დარად, დახატულია ხარების ამალღებული, სიწმინდით აღსავსე სურათი, როდესაც გაბრიელ

მთავარანგელოზმა ამცნო დედათა შორის გამორჩეულს ღვთის განგება – მისი ღვთისმშობლობა. მასში განსაკუთრებულ ყურადღებას იქცევს ღვთისმშობლის სახელები – დედა ქალწული და მუენიერი შრომანი.

ყოვლადწმიდა მარიამის ღვთისმშობლობას და ქალწულ დედად ყოფნას ბიბლიური წინასწარმეტყველება გვაუწყებს: „აჰა, ქალწულმან მუცლად-ილოს და შვეს ძე და უწოდონ სახელი მისი ემმანუილ“ (ეს. 7,14). ქალწული ღვთისმშობლისაგან ძის შობის წინასწარმეტყველება ახალ აღთქმაშიც აისახა (მთ. 1, 23; ლ. 1, 31). ყოვლადწმინდა მარიამის მარადქალწულობას უდიდეს სიმბოლურ მნიშვნელობას ანიჭებენ ღვთისმეტყველები მამები, მასში ღვთის ნების მისტიკურობას ხედავენ, რომლის წედომა ჩვეულებრივი ადამიანის გონებას არ ძალუძს, მისი შემეცნება მხოლოდ ღვთაებრივი სიბრძნით ხდება შესაძლებელი. საღვთისმეტყველო ლიტურაგურაში მარიამ ღვთისმშობელი იწოდება მარად ქალწულად, ქალწულ დედად, დედათა შორის ქალწულად და ქალწულთა შორის დედად. მისი სიწმინდე, მისი გამორჩეულობა აუცილებელი იყო ადამიანის ბუნების, ცოდვილი სულის განსაახლებლად. იამბიკოში არ არის საუბარი პირველ ცოდვაზე, ადამიანის ცოდვით დაცემაზე, მაგრამ მარიამ ღვთისმშობლის მარად ქალწულობა და დედობა არის სიმბოლო პირველ-ცოდვისაგან განთავისუფლებისა და სულიერი განახლებისა. ღვთისმშობლის ერთადერთობა ღვთისაგან გამორჩეულობა იამბიკოში გამოხატულია მარადქალწულობისა და დედობის შეხამებით.

ღვთისმშობლის სიმბოლოდ „მუენიერი შრომანის“ გამოყენება ეხმიანება „შენ ხარ ვენახის“ „ედემს შინა ნერგულ“ კეთილ მორჩსა და სამოთხეს აღმოსრულ სუნნელს. იამბიკოში ავგორის კანონიკურ თვალთახედვას ეხამება მისი ესთეტიზმი, შრომანის „მუენიერად“ აღქმა და გააზრება. ჰიმნოგრაფიისათვის დამახასიათებელია ყვავილთა წარმოსახვა სიმბოლური თვალსაზრისით, განსაკუთრებით აქტუალურია შრომანისა და ვარდის სიმბოლიკა; შრომანი და ვარდი ყოვლადწმინდა სიმბოლოებია, მათი ხსენებისას ფერთა მეტაფორული გააზრების საფუძველიც ჩნდება. ფერებისა და ყვავილების სიმბოლიკა ერთმანეთსაა გადაჯაჭვული. ისინი ერთმანეთს განაპირობებენ. ქრისტიანულ მწერლობაში შრომანი ნათელს, სიწმინდეს და

სისპეგაკეს გამოხატავს, ვარდი – ნათლის, როგორც მიზეზთა მიზეზის დასაბუთებას მაცხოვრის მიერ დაღვრილი სისხლით. ამიგომ არის წამებული ადამიანი „ვარდი ეკალთა შორის“. შრომანის სიმბოლო, რომელიც ქრისტესაც აღნიშნავს და ღვთისმშობელსაც, ბიბლიური სწავლებიდან მომდინარეობს: „სიძე ეტყუოს სძალსა სულისა თუსისათუს: მე ყუაილი ველისაჲ და შრომან^ქ ღელეთაჲ. და ვითარცა შრომანი შორის ეკალთა, ესრეთ არს მახლობელი ჩემი ასულთა“ (ქებ. 2,1-2); და „სამოსლისათუს რაჲსა ჰმრუნავთ; განიცადენით შრომანნი ველისანი, ვითარ-იგი აღორძინდის! არა შურებინ, არცა სთაენ“ (მთ. 6. 28).

წმიდა იოანე დამასკელის „საკითხავში შობისათუს ღმრთისმშობლისა“ მარიამ ღვთისმშობელი არის „შრომანი ღმრთივ აღმოცენებული“, ყოველი სიწმინდით აღსავსე, რომელმაც უნდა განწმინდოს სოფელი არაწმიდებისაგან. მისი სიტყვები სოლომონისა და წმინდა იოანე ოქროპირის სიტყვებს ეხმიანება: „გიხაროდენ, შრომანო, რომლის შობილმან შრომანნი ველისანი შემოსნა და აჩუენნა მშობელი თუსი აღსავსედ სულნელებითა სულისა წმიდისაჲთა, რაჲამს მისგან შეიმოსა და უქუსუველი იგი და თესლისაგან მიუხებელი სამოსელი სამოსელსა მას მოლომონისსა დამფარველი თუსითა ბრწყინვალეებითა“ (ძვ. მეგაფრ. კრებულები, გვ. 109); „მე ასულო შუენიერო და ტკბილო! შრომანო შორის ეკალთა აღმოცენებულო აზნაურისა და სამეუფოჲსა მისგან ძირისა დავითისისა“ (იქვე, გვ. 111). „შრომანი ეკალთა შორის“ იმავე რიგის მხატვრული ფუნქციითაა დატვირთული, როგორითაც „ვარდი ეკალთა შორის“, რითაც შრომანის გამორჩეულობა, მისი განსხვავებაა აღნიშნული ეკალთაგან, ხენემ მცენარეთაგან, რომელიც ძირითადად სხვა რელიგიათა და ერესთა სიმბოლური სახელიცაა. მშვენიერი შრომანის სიმბოლიკა ყოვლადწმიდა მარიამ ღვთისმშობლის ქალურ სისპეგაკეს მიუთითებს, რითაც იგი ევას დაუპირისპირდა.

სწორედ ქალწულ მარიამს „შუენიერ შრომანს“, ახარა გაბრიელ მთავარანგელოზმა, რომ ის იქნებოდა ღვთისმშობელი დედა ქალწული. ბორენა დედოფლის იამბიკოს მსგავსად, დემეტრე მეფესაც გაბრიელ მთავარანგელოზისა და მარიამ ღვთისმშობლის დიალოგით ხარების მისტიურობა და მისი განსაკუთრებული მნიშვნელობა

აქვს განსაზღვრული. დემეტრე მეფის ღვთისმშობლისადმი მიძღვნილი იამბიკო იშვიათი რითმით გამოირჩევა, მის ოთხ ტაქტში აქცენტირებულია რითმა „ოსანი“, მხოლოდ მეორე ტაქტში გვაქვს „შროშანი“. იგი ღვთისმსახურებისას ხშირად გამოყენებული „ოსანნას“ (ὁσαυτά) მიგვანიშნებს, რაც ერთი მხრივ, დიდებას, მეორე მხრივ, სულიერ ხსნაზე თხოვნას შეიცავს. ამრიგად, ვლინდება რითმაში ღვთისმშობლის დიდება და მისი უმთავრესი ფუნქცია – მხსნელის მაცხოვრის შობა.

საინტერესოა, რომ XIII საუკუნის 30-იანი წლების საქართველოს კათოლიკოსს არსენ ბულმაისიმისძესაც 25 მარტის (ახ.სტ.– 7 აპრილის) ჰიმნოგრაფიულ მასალაში შეუტანია ხარებისადმი მიძღვნილი იამბიკო, რომელიც XVIII საუკუნეში სხვადასხვა რედაქციის სადღესასწაულოებში ევსტათი მცხეთელის ხსენების დღის ჰიმნოგრაფიულ მასალას „აწდას“ გროპარად ანუ ღვთისმშობლისად დაურთეს, რაც ავტორისა და იამბიკოს პოპულარობას გვიდასტურებს. იამბიკო შემდეგი შინაარსისაა:

თუთ პირველ არსმან და ყოვლისა მაარსმან
იარსა ჩემთჳს, აწ კუალად ჩემ შორის სხუა
ემრჩობლა თბესა ქალწულებრივსა ნაზარეთს.
„მარიამ, – ეტყჳს ღაჳრიელ, – გიხაროდენ,
უფალი ჩემი და ღმერთი შენ შორის არს“ (A-85).

იამბიკო თავისი თემატიკითა და მხატვრული მეტყველებით ეხმიანება ბორენა დედოფლისა და დემეტრე მეფის ხსენებულ იამბიკოებს, განსაკუთრებით დემეტრე მეფისას, ვინაიდან ორივეგან გაბრიელ მთავარანგელოზი ღვთისმშობელს აუწყებს ღვთის განგებას, რომ იგი რჩეულია დედათა შორის, მან შეას მაცხოვარი. არსენ ბულმაისიმისძეს იამბიკოში შეაქვს ამაღლებული სასიხარულო განწყობილება სიტყვით „გიხაროდენ!“ ბორენა დედოფლის იამბიკოში კი ღვთისმშობელი თავად მიმართავს უფლის მაცნეს, გაბრიელ მთავარანგელოზს, რომელიც ღმერთის განგებათა, საიდუმლოთა მაცნეა და რომელიც მხოლოდ მათ ეცხადება, ვინც მუდამ ღვთის სიტყვისა და საკუთარი სინდისის სარკეში იხედება. ღვთისმშობელი შეკავებული სიხარულით ამქდავენებს თავის მზადყოფნას ღვთის განგების აღსასრულებლად: „ვარ უფლისა მკეევალი“.

ქრისტიანულ ფერწერაში გაბრიელ მთავარანგელოზი, რომლის სახელი სემანტიკურად ღვთის ძალის მნიშვნელობას მოიცავს, გამოისახება ხელში სამოთხის რტოთი, რომელიც მან ყოვლადწმიდა ღვთისმშობელს მიართვა. ზოგჯერ მარჯვენა ხელში ლამპარი უჭირავს, რომლის შიგნით წმინდა სანთელი ანთია, ხოლო მარცხენა ხელში – იასპის ქვის სარკე, რასაც აგრეთვე სიმბოლური დაგვირთვა აქვს. კერძოდ, სარკე შემეცნების, ცნობიერების, ჭეშმარიტების სიმბოლოა, შუასაუკუნეების ხელოვნებაში იგი მარიამ ღვთისმშობლის მარად ქალწულობის სიმბოლოა, მაშინ ღმერთი თავის ხატებას „ირეკლავდა“ თავისი ძის სახით. გაბრიელი, როგორც ღმერთის ყოვლისშემძლეობის მახარებელი და მსახური, ღვთის ნებით მონაწილეობს ადამიანთა სულიერი მომავლის განსაზღვრაში. სწორედ ამიგომ წარგზავნა ღმერთმა იგი ყოვლადწმიდა ღვთისმშობლის ქალწულ მარიამის წინაშე უდიდესი საიდუმლოს საუწყებლად, სახარებლად.

არსენ ბულმაისიმისძის იამბიკოში ხარების ადგილიცაა დასახელებული, – ნაზარეთი (შდრ.: ლ. 1,26-28), სადაც „თბესა ქალწულებრივსა“ შეუერთდა თვით ღმერთი; აქ ღმერთი პირველარსი და ყოვლის მაარსია, რაც იმას ნიშნავს, რომ ღმერთმა თავად არსმა სამიდან ერთი არსთაგანის – სული წმიდის მეშვეობით ყოველი არსი შექმნა და ნაზარეთში ქალწულებრივი თბე ანუ სხეული უცოდველი სხეული შეიერთა. თბეს ორგვარი მნიშვნელობა აქვს საღვთისმეტყველო ლიტურაგურაში. სიტყვასიტყვით იგი ცომს, საფუარს ნიშნავს (Φύραμα). მისი ძირითადი მნიშვნელობაა პირველცოდვის შედეგად მიღებული ცოდვილი სხეული, მას უპირისპირდება „დასაბამი“ – პირველსახე, ცოდვადაცემამდელი სხეული. არსენ ბულმაისიმისძის იამბიკოში თბე არაა ცოდვილი, ვინაიდან იგი ქალწულებრივია, ქალწულებრივი თბე მხოლოდ ყოვლად წმიდა ღვთისმშობელს აქვს, რაც იმას ნიშნავს, რომ იგი შობს უცოდველ ძეს, რომელიც თავად იგვირთავს მთელი კაცობრიობის ცოდვას. თვით სიტყვა „ემრჩობლა“ ტყუპისცალად გახდომას, გაორმაგებას ნიშნავს, რაც კიდევ ერთხელ მიუთითებს ქალწული ღვთისმშობლის მარადიულ სიწმინდეს, მარადიულ უცოდველობას, რაც კაცობრიობის სულიერი განახლებისა და ხსნის საწინდარია.

ხარების მისტიკური სურათი სხვა ჰიმნოგრაფიულ თხზულებებშიცაა გადმოცემული.

ბორენა დელოფლის, დემეტრე მეფისა და არსენ ბულმაისიმისძის იამბიკოები უშუალოდ ხარების სურათს ასახავენ და სიმბოლურ-მეტაფორული აზროვნებით, ლირიკული ინტონაციებით დაუვიწყარი ხატოვანებით, უსაზღვრო სიწრფელითა და სიწმინდით ღრმა შთაბეჭდილებას ახდენენ მსმენელსა თუ მკითხველზე. იამბიკოთა ყოველი ტაქტით, ყოველი სიტყვით შექმნილი ამაღლებული განწყობილება მათი აღმქმნელის გონებას მიმართავს ღმერთისაკენ, ღვთისმშობლისაკენ, მაცხოვრის განმაახლებელი ძალის რწმენისაკენ და უნერგავს სულიერი ხსნის იმედს.